

Tupe fesoasoani mo poto faka tatou

'Kau mai

'TUA

Rashid Ansorali i te Mixit
Refugee Youth Arts.
Te ata a Wendy Preston.



Te tusi fakamatala tenei e fakailoa ki a koe me ko tau polotieki e 'tau o maua se tupe fesoasoani mai te Creative Communities Scheme (CCS) kae e fai pefea foki tau fakatagi.

CCS e fesoasoani tau tupe ki polotieki o poto a 'tou tino. I tausaga katoa a te Creative New Zealand e tuku atu ne ia te tupe fesoasoani CCS ki fa'kai mo kogaakoga o kaunisela ke fakasoa ki tua i olotou koga.

FAKAATAMAI

Akoakoga poto valevale i sekasi. Te ata mai te Circability.

E mafai ke maua tupe fesoasoani mo taku polotieki?

Ke maua ne tupe mai te CCS a tau polotieki e 'tau o aofia e tasi io me silia atu o mea konei mai lalo:

'Kau fakatasi

Faite ne avanoaga mo komiuniti i 'tou tafa ke fakatasi kae 'kau ki faifaiga fakatasi a tino poto i 'tou kogaakoga, penei mo te fakatasa tenei:

- > Fakaasiga mai aufaipese, potukau hip-hop, kamupane fai koniseti, tino usuusu io me ko tino fakalagi muna
- > Fai akoakoga i te 'lomi, tusitusi io me ko te saka
- > Faiteega o tukutuku foou, whakairo io me ko kowhaiwhai o se marae o te fa'kai
- > Fakaasiga ne potukau fai meataulima o te fa'kai e atiake iei a te 'laga, faiteega o mea ki kele io me ko te atamai i te talai
- > Fakatasiga kae fakafiafia iei tino io latou te faiva mai 'tou kogaakoga
- > Te faiteega o se filimu o te komiuniti io me ne loomiga a te komiuniti ke lavea ne soose tino

- > Koga nofo se tumau mo galue mai iei a 'tou tino poto io me ko komiuniti
- > Ne fonotaga e fai mo atiake te atamai o 'tou tino poto penei

Kesekesega

'Lago ki te kesekesega o poto o tuu mo aganu o komiuniti valevale i 'tou tafa, penei:

- > Akoakoga, faka'mauga, fakaasiga o saka, fakafiafiaga fakapitoa io me ne fakaasiga faka Māori io me ko iloga faka Pasifika io me ne poto o te vaaitau tenei
- > Akoakoga, faka'mauga, fakaasiga o saka, fakafiafiaga fakapitoa io me fakaasiga a komiuniti i 'tou tafa kola ne aumai mai tua atu o te atufenua
- > Ne polotieki o poto kola e aumai fakatasi ne latou a vaega potukau kesekese o komiuniti
- > Akoakoga, faka'mauga, fakaasiga o saka, fakafiafiaga fakapitoa io me ne fakaasiga mai potukau e iloa ne latou a faitu tau te se katoatoa te malosio o te foino io me ko te masaki o te mafaufau

Talavou

Fakamalosio a talavou (mai lalo o te 18 tausaga) ke fakatasi atu kae ko 'kau fakatasi ki poto konei, penei:

- > Se potukau o talavou e galue fakatasi mo se tino atamai ke faite ne latou se ata 'lomi lasi i se pui io me ko auala e sologina
- > Se potukau o talavou e faite ne latou se filimu e uiga mo se mataupu tela e taaua ki a latou
- > Lomiga o tusitusiga tuku fakatasi a talavou
- > Akoakoga i mea tau taata ma talavou
- > Se fakaasiga o ata lomi e lavea ki mata ne talavou

A tau polotieki e 'tau foki o:

- > Fakataunu i loto i te fa'kai me ko te kogaakoga ne fatuaki iei tau fakamolemole tenei
- > E 'tau o oti ne fakataunu i loto i te 12 o masina ne talia iei te tupe fesoasoani
- > E 'tau o maua te 'lei mai iei mo komiuniti i 'tou tafa
- > E seki kamata io me ko oti mai mua e fakatalia iei te tupe fesoasoani CCS
- > E seki oti ne taliagina ne tupe fesoasoani aka mai niisi polokalame tau tupe fesoasoani mo atamai penei mai te Creative New Zealand





Silia atu mo te 1,800 polotieki ne fesoasoani kiei te sikiimu i tausaga takitasi.

FAKAMAUI

Te komiuniti o Niutao i Aukilani e saka i te fatele a Tuvalu i te talaaga o te fakaasiga o Kolose: Te Poto o te Tuvalu Kolose i Māngere Arts Centre – Ngā Tohu o Ueunuku. Te ata a Sam Hartnett.

Kooi e mafai o fakatagi atu

Koe e mafai se tino tokotasi io me se potukau. Tino taki tokotasi e 'tau ne sitiseni o Niusila io me se tino nofo mau.

Kafai kooti ne maua ne koe a te tupe fesoasoani CCS mo se polotieki, e 'tau mo koe o fakatoka te lipoti o te otiga o te polotieki mai mua e toe fai sau fakatagi, vagana te polotieki koi fakatele loa.

Ne a fakamaumauga e mafai o maua kiei ne tupe fesoasoani?

- > Kope io me ko mea e manakogina mo fakataunu a faifaiga io me ko polokalame
- > Koga e fai iei io me te fakaogaaga o se kope e toe fakafoki
- > Tino atamai mo togi o galuega ne fai mo mea ne fakaoga i te ofisa mo fakataunu a polotieki kola e se leva
- > Te fakasae mo te fakailoaga ki tino a faifaiga konei

E fia tupe e mafai ne au o fakatagi kiei?

E seai se gataaga o te tupe e mafai ne koe o akai, kae ko te lasiiga o tupe fesoasoani CCS e mai lalo o te \$2,000.

Onono ki polotieki kooti ne fesoasoani kiei muamua i te website a te kaunisela ke isi sou iloa me ne a polotieki kooti ne fesoasoani kiei i taimi ko teka mo te aofaki e masani o ave ki tua.

E fakafia taimi e mafai au o fakatagi kae e fai foki pefea a ikuga e fai?

A kaunisela o fa'kai e masani o oko ki te faa o launi o tupe fesoasoani i te tausaga. Tau fakatagi ka fano ki te komiti lloilo kola ne tino mai tou fa'kai. A latou ne filigina ona ko olotou iloa mo masani o latou i poto penei mo komiuniti i 'tou tafa.

Ne a vaega polotieki e se mafai ne tatou o maua a te tupe fesoasoani CCS?

- > Salasalaga sene
- > Faitega o fale lasi mo 'teu a ata, marae, fale lasi mo fakamaimoa io me ko kogafale lasi
- > Polotieki a kaunisela i koga e nofo iei tatou
- > Polotieki kola e fakasaga maloski ki niisi faitu pela mo te ola lei, akoakoga io me ko te enivaelomeni kola e foliki fua te vaega o te vaega poto e fakaasi iei

- > Polotieki o poti konei i loto i akoga io me i niisi akoga lasi aka kola ko pogai fakapitoa loa o akoga lasi kona io me e maua iei a olotou tupe fesoasoani mai mataaupu tauloto io me ko olotou fakatauga tupe e fakagalue kiei latou

Ne a fakamaumauga kola e se aofia?

- > Togitogi o faiga o galuega i ofisa mo togi o tino kola e seai se sokotakiga ki te polotieki fakapitoa
- > Togi o polotieki kooti ne kamata io me ko oti
- > Togi faimalaga o fakatasi atu ki se fakafiafiaga io me ko se fakaasiga i niisi fa'kai aka
- > Meakai io me ko togi o vaiaiga
- > Togiiga o mea lasi pela mo komipiuta, mea peiata, mea taa'ta, lakei, moolii io me ko togiga

Fakasoko mai tua...

Niisi sitepu

Sala te 'Creative Communities Scheme' i te website a te kaunisela ki:

- > Te pepa fakatagi
- > Fakatakitakiga mo te fakatagi
- > Taimi e pono iei

E mafai foki ne koe o telefoni ki tou kaunisela kae fakamolemole ke faipati koe ki te tino galue o te Creative Communities Scheme ke fesoasoani atu me fakatagi koe pefea.

Ne a fakamaumauga e se 'lago? (fakasoko)

- > Tupe 'luki mo fakataufaiga, fepakiiga io me ko sukeega
- > Tupe faailoga, ipu faailoga me ko 'togi o famaasino o fakataufaiga
- > Tupe fakameaalofa
- > Mo 'togi a lomiiga fakaasi o 'teu
- > Kaitalafu io me ko te pasene o te kaitalafu



FAKAATAMAI

Mixit, se polotieki e fakagalue i Aukilani tela e aumai ne ia a tino ne aumai mai fenua i tua atu o nofo mau pela foki latou ne tele mai koga fakamataku o nofo pela foki mo talavou ke 'kau fakatasi i vaega poto valevale penei. Ata a Ella Becroft.